

Faatatauina o talafaasolopito o le Ekalesia ia i Tatou Lava

Gaoioiga A

TALAIINA ATU O LE TALALELEI

Na tusia e le Perofeta o Iosefa Samita, “E lei taofia e sauaga le alualu i luma o le upumoni” (*Talafaasolopito o le Ekalesia*, 4:540). Ua tofia e le Alii ia Aposetolo fou ma valaauina uso o le Korama a Aposetolo e Toasefululua e faamisiona i atunuu i fafo. E ui i gasegase ma faigata, ae sa tuua ma le usiusitai e nei uso naunautai ia Navu e auauna atu. O se taunuuga, e faitau afe tagata—muamua mai Egelani—na mauaina se molimau mai le Atua, auai i le Ekalesia, ma malaga atu i Navu. Sa avea i latou ma malosiaga maoae i le Ekalesia.

Faitau le 1 Nifae 3:7 ma le Mataupu Faavae ma Feagaiga 3:1, ma mafaufau pe faapefea ona fesootai nei fuaiupu i leni faaitaiga o le galuega faafaifeautalai.

Gaoioiga E

FAATUINA O LE AUALOFA

A o fausia e le Au Paia le Malumalu o Navu, sa matauina e ni nai tuafafine e faapea, o le toatele o alii sa galulue i le malumalu sa le lava seevae, ofuvae, ma ofutino. I le musuia ai e le Alii, sa latou faamaopopoa ai se vaega o tamaitai ma amata ona galulue faatasi e saunia nei lavalava. E pei foi o vaega talitutusa o ia taimi, sa latou tusia se faavae. Sa latou tuuina atu le pepa o faamatalaga ia Iosefa Samita mo lana faamaoniga.

[Ina ua] vaai ai [Iosefa] sa ia fai mai, o le faatulagaga sili lea o lona ituaiga. “Ae e le o le mea leni tou te mananao ai,” na fai atu ai o ia. Ta’u atu i tuafafine ua talia e le Alii la latou taulaga, ma ua ia te ia se mea e sili atu mo i latou. . . . “O le a ou faatulagaina tamaitai e ala i le perisitua e fua i le fua o le perisitua.” (*Au Paia*, 1:448)

I le aso 17 o Mati, 1842, na faatonuina ai Iosefa Samita e le Atua e faatulaga le Aualofa. O loo faaauau pea ona musuia e le Atua ia taitai o le Aualofa i aso nei e auauna atu ma faamalolosia tagata o le Ekalesia ma le anoanoai o isi.

Faitau Mataupu Faavae ma Feagaiga 58:26–28, ma vaavaai pe faapefea ona ono fesootai nei fuaiupu i tamaitai musuia o a latou faatinoga na taitai atu ai i le faatuina o le Aualofa.